



詩書古傳

書 自廿七至廿八

十一

服部文庫

117

/62

/2



117
162
12

詩書古傳卷第二十七

日本信陽太宰純輯



虞書

禮記曰康誥曰克明德大甲曰顧諟天之明命帝典

曰克明峻德皆自明也

大學篇

子華子曰昔者有虞氏彈五絃之琴以歌南風之詩

而光被四表格于上下

北宮意問篇

子張問曰禮丈夫三十而室昔者舜三十徵庸而書

云。有鰥在下。曰虞舜。何謂也。云。孔叢子。詳見詩云。齊之南山篇。

新語曰。夫居高者。自處不可以不安。履危者。任杖不可以不固。自處不安則墜。任杖不固則仆。是以聖人居高處上。則以仁義為巢。乘危履傾。則以聖賢為杖。故高而不墜。危而不仆者。堯以仁義為巢。舜以禹稷契為杖。故高而益安。動而益固。然處高之安。乘克讓之敬。德配天地。光被四表。功垂於無窮。名傳於不朽。蓋自處得其巢。任杖得其材也。輔政篇法言。或曰。以往聖人之法治將來。譬猶膠柱而調瑟。有諸。曰。有之。曰。聖君少而庸君多。如獨守仲尼之道。

是漆也。曰。聖人之法。未嘗不關盛衰焉。昔者堯有天下。舉大綱。命舜禹。夏殷周屬其子。不膠者卓矣。唐虞象刑惟明。夏后肉辟三千。不膠者卓矣。堯親九族。協和萬國。湯武桓桓。征伐四克。由是言之。不膠者卓矣。

先知篇

書曰。敬授民時。說苑。詳見詩小雅。魚麗篇。

漢成帝陽朔二年。春寒。詔曰。昔在帝堯。立羲和之官。命以四時之事。令不失其序。故書云。黎民於蕃時雍。明以陰陽為本也。今公卿大夫。或不信陰陽。薄而小之所奏。請多違時政。傳以不知。周行天下。而欲望陰

陽和調。豈不謬哉。其務順四時月令。漢書成帝紀

漢書曰。書載唐虞之際。命羲和四子。順天文。授民時。

咨四岳。以舉賢材。揚側陋。詳見舜典

漢書曰。歷數之起上矣。傳述顓頊命南正重司天。火

正黎司地。其後三苗亂德。二官咸廢。而閏餘乖次。孟

陬殄滅。攝提失方。堯復育重黎之後。使纂其業。故書

曰。迺命羲和。欽若昊天。歷象日月星辰。敬授民時。歲

三百有六旬有六日。以閏月定四時成歲。允釐百官。

衆功皆美。律歷志

漢書曰。昔在黃帝作舟車。以濟不通。旁行天下。方制

萬里。畫壑分州。得百里之國。萬區是故。易稱先王以

建萬國。親諸侯。書云。協和萬國。此之謂也。地理志

漢書曰。陰陽家者流。蓋出於羲和之官。敬順昊天。歷

象日月星辰。敬授民時。此其所長也。及拘者為之。則

牽於禁忌。泥於小數。舍人事而任鬼神。藝文志

李尋曰。書曰。歷象日月星辰。此言仰視天文。俯察地

理。觀日月消息。候星辰行伍。揆山川變動。參人民繇

俗。以制法度。考禍福。舉錯詩逆。咎敗將至。徵兆為之

先見。明君恐懼修正。側身博問。轉禍為福。不可救者。

即蓄備以待之。故社稷亡憂。漢書李尋傳

又曰。夫以喜怒賞罰。而不顧時禁。雖有堯舜之心。猶不能致和。善言天者。必有效於人。設上農夫而欲冬田。肉袒深耕。汗出種之。然猶不生者。非人心不至。天時不得也。易曰。時止則止。時行則行。動靜不失其時。其道光明。書曰。敬授民時。故古之王者。尊天地。重陰陽。敬四時。嚴月令。順之以善政。則和氣可立致。猶枹鼓之相應也。同上

王尊守京兆尹。後為真。凡三歲坐免。吏民多稱惜之。湖三公乘輿等上書曰。云。今御史大夫奏尊傷害陰陽。為國家憂。無承用詔書之意。靖言庸違。象恭滔

天原其所以出御史丞楊輔。云。漢書王尊傳

舜典

季文子曰。舜臣堯。賓于四門。流四凶族。渾敦窮奇。檣杻饕餮。投諸四裔。以禦魍魎。是以堯崩而天下如一。同心戴舜。以為天子。以其舉十六相。去四凶也。故虞書數舜之功曰。慎徽五典。五典克從。無違教也。曰。納于百揆。百揆時序。無廢事也。曰。賓于四門。四門穆穆。無凶人也。舜有大功二十。而為天子。今行父雖未獲一吉人。去一凶矣。於舜之功。二十之一也。庶幾免於

戾乎。左氏傳文公十八年

萬章曰。舜流共工于幽州。放驩兜于崇山。殺三苗于三危。殛鯀于羽山。四罪而天下咸服。誅不仁也。孟子萬章

上篇

孟子曰。堯老而舜攝也。堯典曰。二十有八載。放勳乃徂落。百姓如喪考妣。三年。四海遏密八音。同上

子張問曰。聖人受命。必受諸天。而書云。受終于文祖。何也。孔子曰。受命於天者。湯武是也。受命於人者。舜禹是也。夫不讀詩書易春秋。則不知聖人之心。又無以別堯舜之禪。湯武之伐也。孔叢子論書篇

宰我問書云。納于大麓。烈風雷雨弗迷。何謂也。孔子

曰。此言人事之應乎天也。堯既得舜。歷試諸難。已而納之於尊顯之官。使大錄萬機之政。是故陰陽清和。五星不悖。烈風雨各以其應。不有迷錯愆伏。明舜之行合於天也。同上
宰我曰。敢問禋于六宗。何謂也。孔子曰。所宗者六。皆潔祀之也。埋。少牢於太昭。所以祭時也。祖。迎於坎壇。所以祭寒暑也。主於郊宮。所以祭日也。夜明。所以祭月也。幽。祭。所以祭星也。雩。祭。所以祭水旱也。禋于六宗。此之謂也。同上。純按。祭當作禋。
春秋繁露曰。論罪源深淺。定法誅。然後絕屬之分別。

詩書十傳 卷第二十一
矣。立義定尊卑之序。而後君臣之職明矣。載定下之賢方。表謙義之所在。則見復正焉耳。幽隱不相踰。而近之則密矣。而後萬變之應無窮者。故可施其用於人。而不悖其倫矣。是以必明其統於施之宜。故知其氣矣。然後能食其志也。知其聲也。而後能扶其精也。知其行矣。而後能遂其刑也。知其物矣。然後能別其情也。故唱而民和之。動而民隨之。是知引其天性所好。而壓其情之所憎者也。如是則言雖約。說必布矣。事雖小。功必大矣。聲響盛。化運于物。散入于理。德在天地。神明休集。並行而不竭。盈于四海而頌詠。書曰。

八音克諧。無相奪倫。神人以和。乃是謂也。正貫篇說一作德

又曰。堯視民如子。民親堯如父母。尚書曰。二十有八載。放勳乃殂落。百姓如喪考妣。四海之內。闕密八音

三年。

煖煥孰多篇

史記曰。尚書曰。舜在璇璣玉衡。以齊七政。遂類于上帝。禋于六宗。望山川。徧群神。輯五瑞。擇吉日。見四嶽。諸牧。還瑞。歲二月。東巡狩。至于岱宗。岱宗。泰山也。柴。望秩于山川。遂覲東后。東后者。諸侯也。合時月。正日。同律度量衡。修五禮。五玉三帛。二牲一死。贄。五月。巡狩至南嶽。南嶽。衡山也。八月。巡狩至西嶽。西嶽。華

山也。十一月巡狩至北嶽。北嶽恒山也。皆如岱宗之禮。中嶽高高也。五載一巡狩。封禪書

故牧者所以辟四門。明四目。達四聰也。說苑詳見詩大雅民勞篇

說苑曰。古者聖王既臨天下。必變四時。定律歷。考天

文。揆時變。登靈臺以望氣氛。故堯曰。咨爾舜。天之歷

數在爾躬。允執其中。四海困窮。書曰。在璿璣玉衡。以

齊七政。璿璣謂北辰勾陳樞星也。以其魁杓之所指

二十八宿為吉凶禍福。天文列舍盈縮之占。各以類

為驗。辨物篇

說苑曰。山川何以視子男也。能出物焉。能潤澤物焉。

能生雲雨。為恩多。然品類以百數。故視子男也。書曰。

禋于六宗。望秩于山川。徧于群神矣。同上

乃命之曰。棄黎民阻饑。汝后稷播時百穀。列女傳詳見詩周頌

思文篇

乃勅之曰。契。百姓不親。五品不遜。汝作司徒。而敬敷

五教。在寬。列女傳詳見詩商頌玄鳥篇

漢書曰。昔書稱蠻夷帥服。詳見詩大雅常武篇

又曰。書載唐虞之際。命羲和四子。順天文。授民時。咨

四岳。以舉賢材。揚側陋。十有二牧。柔遠能邇。禹作司

空。平水土。棄作后稷。播百穀。尚作司徒。敷五教。咎繇

作士。正五刑。垂作共工。利器用。莽作朕虞。育草木鳥獸。伯夷作秩宗。典三禮。夔典樂。和神人。龍作納言。出入帝命。百官公卿表。顏師古曰。高音先列反。莽古益字。

又曰。虞書曰。乃同律度量衡。所以齊遠近。立民信也。

律歷志

又曰。國子者。卿大夫之子弟也。皆學歌九德。誦六詩。習六舞五聲八音之和。故帝舜命夔曰。女典樂。教冑子。直而溫。寬而栗。剛而無虐。簡而無放。詩言志。歌咏言聲。依咏律和聲。八音克諧。此之謂也。禮樂志

成帝詔曰。甫刑云。五刑之屬三千。大辟之罰。其屬二

百。今大辟之刑。千有餘條。律令煩多。百有餘萬言。竒請它比。日以益滋。自明習者。不知所由。欲以曉喻衆庶。不亦難乎。於以羅元元之民。夭絕亡辜。豈不哀哉。其與中二千石。二千石。博士。及明習律令者。議減死刑。及可蠲除約省者。令較然易知。條奏。書不云乎。惟刑之恤哉。其審核之。務準古法。朕將盡心覽焉。刑法志

漢書曰。虞書曰。舜在璿璣玉衡。以齊七政。遂類于上帝。禋于六宗。望秩于山川。徧于群神。揖五瑞。擇吉月。日。見四嶽諸牧。班瑞。歲二月。東巡狩。至于岱宗。岱宗。泰山也。柴。望秩于山川。遂見東后。東后者。諸侯也。合

詩書傳
時月正日。同律度量衡。修五禮五樂。三帛二牲一死
為贄。五月巡狩至南嶽。南嶽者衡山也。八月巡狩至
西嶽。西嶽者華山也。十一月巡狩至北嶽。北嶽者恒
山也。皆如岱宗之禮。中嶽高高也。五載一巡狩。禹遵
之。郊祀志

王莽奏言。書曰。類於上帝。禋于六宗。歐陽大小夏侯
三家說六宗。皆曰。上不及天。下不及墜。旁不及四方。
在六者之間。助陰陽變化。實一而名六。名實不相應。
禮記祀典。功施於民則祀之。天文。日月星辰所昭仰
也。地理。山川海澤所生殖也。易有八卦。乾坤六子。水

火不相逮。雷風不相詩。山澤通氣。然後能變化。既成

萬物也。漢書郊祀志。文多略之。

劉更生曰。臣聞舜命九官。濟濟相讓。和之至也。漢書。詳見

詩小雅十月之交篇。

漢書曰。書放四罪。詳見詩小雅青蠅篇。

陽平侯禁奏曰。輿捐之懷。詐偽。以上語相風。更相薦
譽。欲得大位。漏泄省中語。罔上不道。書曰。讒說殄行。

震驚朕師。王制。順非而澤。不聽而誅。請論如法。漢書。賈捐

之傳。禁。王禁。與。楊。興。

李尋曰。治國故不可以戚戚。欲速則不達。經曰。三載

考績三考黜陟。加以號令。不順四時。既往不咎。來事之師也。漢書李尋傳。不順四時句。不可曉也。

何武為大司空。又與丞相方進共奏言。古選諸侯賢者。以為州伯。書曰。咨十有二牧。所以廣聰明。燭幽隱也。漢書朱博傳。

漢書朱博傳。

谷永曰。昔龍筮納言。而帝命惟允。漢書詳見君牙。

又曰。治天下者。尊賢考功。則治。簡賢違功。則亂。誠審思治人之術。歡樂得賢之福。論材選士。必試於職。明度量以程能。考功實以定德。無用比周之虛譽。毋聽寢潤之譖慝。則抱功脩職之吏。無蔽傷之憂。比周邪

偽之徒。不得即工。小人日銷。俊艾日隆。經曰。三載考績。三考黜陟幽明。又曰。九德咸事。俊艾在官。未有功賞得於前。眾賢布於官。而不治者也。漢書谷永傳。

漢書曰。書戒蠻夷猾夏。詳見詩魯頌閟宮篇。

陳崇曰。將為皇帝定立妃后。有司土名。公女為首。公深辭讓。迫不得已。然後受詔。父子之親。天性自然。欲其榮貴。甚於為身。皇后之尊。侔於天子。當時之會。千載希有。然而公惟國家之統。揖大福之恩。事事謙退。動而固辭。書曰。舜讓于德。不嗣。公之謂矣。漢書王莽傳。公謂莽。又曰。比三世為三公。再奉送大行。秉冢宰職。填安國

家四海輻湊靡不得所書曰納于大麓烈風雷雨不迷公之謂矣同上

大禹謨

夏師及齊師圍邾邾降于齊師仲慶父請伐齊師公曰不可我實不德齊師何罪罪我之由夏書曰臯陶邁種德德乃降姑務脩德以待時乎秋師還君子是以善魯莊公左氏傳莊公八年

君子曰服之不衷身之災也詩曰云詩曰云夏書曰

地平天成稱也左氏傳詳見詩曹之候人篇

晉卻缺言於趙宣子曰日衛不睦故取其地今已睦

矣可以歸之叛而不討何以示威服而不柔何以示懷非威非懷何以示德無德何以主盟子為正卿以主諸侯而不務德將若之何夏書曰戒之用休董之用威勸之以九歌勿使壞九功之德皆可歌也謂之九歌六府三事謂之九功水火金木土穀謂之六府正德利用厚生謂之三事義而行之謂之德禮無禮不樂所由叛也若吾子之德莫可歌也其誰來之盍使睦者歌吾子乎宣子說之左氏傳文公七年楚人討陳叛故曰由令尹子辛實侵欲焉乃殺之書曰楚殺其大夫公子壬夫貪也君子謂楚共王於是

言詩古傳
不刑。詩曰：周道挺挺，我心扁扁。講事不令，集人來定。己則無信，而殺人以逞，不亦難乎？夏書曰：成允成功。

左氏傳襄公五年

臧武仲曰：紆也。聞之在上位者，洒濯其心，壹以待人，軌度其信，可明徵也。而後可以治人。夫上之所為，民之歸也。上所不為，而民或為之，是以加刑罰焉，而莫敢不懲。若上之所為，而民亦為之，乃其所也。又可禁乎？夏書曰：念茲在茲。釋茲在茲。名言茲在茲。允出茲在茲。惟帝念功。將謂由己壹也。信由己壹而後功可念也。左氏傳襄公二十一年

齊侯將為臧紆田。臧孫聞之，見齊侯，與之言伐晉。對曰：多則多矣，抑君似鼠。夫鼠晝伏夜動，不穴於寢廟，畏人故也。今君聞晉之亂，而後作為，寧將事之，非鼠何如？乃弗與田。仲尼曰：知之難也。有臧武仲之知，而不容於魯國，抑有由也。作不順而施不恕也。夏書曰：念茲在茲，順事恕施也。左氏傳襄公二十三年

聲子曰：詩曰：人之云亡，邦國殄瘁。無善人之謂也。故

夏書曰：與其殺不辜，寧失不經。懼失善也。左氏傳詳見詩大雅

瞻印

初，昭王有疾，卜曰：河為祟。王弗祭，大夫請祭諸郊。王

曰。三代命祀。祭不越望。江漢雖漳。楚之望也。禍福之至。不是過也。不穀雖不德。河非所獲罪也。遂弗祭。孔子曰。楚昭王知大道矣。其不失國也宜哉。夏書曰。惟彼陶唐。帥彼天常。有此冀方。今失其行。亂其紀綱。乃滅而亡。又曰。允出茲在茲。由已率常可矣。左氏傳哀公六年巴人伐楚。圍鄆。初。右司馬子國之卜也。觀瞻曰。如志。故命之。及巴師至。將卜師。王曰。寧如志。何卜焉。使師師而行。請承。王曰。寢尹。工尹。勸先君者也。三月。楚公孫寧。吳由于。遠固。敗巴師于鄆。故封子國於析。君子曰。惠王知志。夏書曰。官占唯能蔽志。昆命于元龜。其

是之謂乎。志曰。聖人不煩卜筮。惠王其有焉。左氏傳哀公十年

八年

襄王使召公過。及內史過。賜晉惠公命。呂甥。卻芮。相晉侯。不敬。晉侯執玉卑。拜不稽首。內史過歸。以告王。曰。晉不亡。其君必無後。且呂卻將不免。王曰。何故。對曰。夏書有之曰。衆非元后。何戴。后非衆無與。守邦。在湯誓曰。余一人有辜。無以萬夫。萬夫有辜。在余一人。在般庚曰。國之臧。則維女衆。國之不臧。則維余一人。是有逸罰。如是。則長衆使民。不可不慎也。國語。周語上。堯曰。咨爾舜。天之曆數在爾躬。允執其中。四海困窮。

天祿永終。論語堯曰篇

墨子曰。先王之書。術令之道曰。惟口出好興戎。尚同中篇

詳見呂刑

又曰。禹曰。濟濟有衆。咸聽朕言。非惟小子敢行稱亂。蠢茲有苗。用天之罰。若予既率爾群。對諸群以征有苗。禹之征有苗也。非以求以重富貴。干福祿。樂耳目也。以求與天下之利。除天下之害。即此禹兼也。詳見詩大雅抑

孟子曰。當堯之時。水逆行。汜濫於中國。蛇龍居之。民無所定。下者為巢。上者為營窟。書曰。洚水警余。洚水

者。洪水也。滕文公下篇

孟子曰。書曰。祗載見瞽瞍。夔夔齊栗。瞽瞍亦允若。是

為父不得而子也。詳見詩小雅北山篇

荀子曰。昔者舜之治天下也。不以事詔。而萬物成。處一危之。其榮滿側。養一之微。榮矣而未知。故道經曰。人心之危。道心之微。危微之幾。惟明君子。而後能知之。解蔽篇

又曰。水行者表深。使人無陷。治民者表亂。使人無失。禮者。其表也。先王以禮表天下之亂。今廢禮者。是去表也。故民迷惑。而陷禍患。此刑罰之所以繁也。舜曰。

維予從欲而治。大略篇

孔子曰。死者不可生。斷者不可屬。云書曰。大辟疑赦。

又曰。與其殺不辜。寧失不經。孔叢子。詳見呂刑。

王立周紹為傅。曰。寡人以王子為子任。欲子之厚愛。

之。無所見醜。御道之以行義。勿令溺苦於學。事君者。

順其意。不逆其志。事先者。明其高。不倍其孤。故有臣。

可命。其國之祿也。子能行是。所以事寡人者畢矣。書。

云。去邪勿疑。任賢勿貳。寡人與子。不用人矣。戰國策。趙策。王。

武靈王。

呂氏春秋曰。昔舜欲旗古今而不成。既足以成帝矣。

禹欲帝而不成。既足以正殊俗矣。湯欲繼禹而不成。

既足以服四荒矣。武王欲及湯而不成。既足以王道。

矣。五霸欲繼三王而不成。既足以為諸侯長矣。孔丘。

墨翟欲行大道於世而不成。既足以成顯名矣。夫大。

義之不成。既有成矣。已。夏書曰。天子之德廣運。乃神。

乃武。乃文。故務在事。事在大地。大則有常祥。不庭岐。

母羣抵天。翟不周。山大則有虎豹熊蟻。蛆水大則有。

蛟龍龜鼉鱣鮪。商書曰。五世之廟。可以觀怪。萬夫之。

長。可以生謀。室中之無澤陂也。井中之無大魚也。新。

林之無長木也。凡謀物之成也。必由廣大衆多長久。

信也。論大篇

臯陶謨

子高任司馬。又為將於齊。與燕戰而敗。齊君曰。以子賢明。故信子也。答曰。君知穿孰若周公。齊君曰。周公聖人。而子賢者。弗如也。子高曰。然。臣固弗如周公也。以臣之知人。孰若周公之知其弟。齊君曰。兄弟審於他人。子高曰。君之言是也。夫以周公之聖。兄弟相知之審。而近失於管蔡。明人難知也。臣與人相見。觀其材志。察其所履。齊國之士。弗能過也。書曰。知人則哲。惟帝難之。穿何慚焉。且曹子為魯。三與齊戰。三敗失

地。然後以勇敢之節。奮三尺之劍。要桓公管仲於盟壇。卒收其所喪。夫君子之敗。如日月之蝕。人各有能。又庸可棄乎。今燕以詐破人。是人不能於詐也。臣之稱人。稱其武勇才藝。不稱其詐也。人雖敗。臣固不失其所稱焉。齊君屈辭。而不黜司馬。又。孔叢子儒服篇。子高名穿。孔子

六世孫

魏王朝群臣。問理國之所先。季文對曰。唯在知人。王未之應。子順進曰。知人則哲。帝堯所病。故四凶在朝。絲任無功。夫豈樂然哉。人難知故也。今文之對。不稱吾君之所能行。而乃欲強吾君以聖人所難。此不可

行之說也。王曰：先生言之對曰：當今所急在修仁尚義。崇德敦禮，以接鄰國而已。昔舜命衆官，群臣競讓德禮之致也。苟使朝臣皆有推賢之心，主雖不知人，則臣位必當。若皆以知人為治，則人主宜未過堯。且其目所不見者，亦必漏矣。王曰：善矣。同上。陳士義篇。孔武後名斌。字子順。子高之子。

淮南子曰：仁，知人材之美者也。所謂仁者，愛人也。所謂知者，知人也。愛人則無虐刑矣，知人則無亂政矣。治由文理，則無悖謬之事矣。刑不侵濫，則無暴虐之行矣。上無煩亂之治，下無怨望之心，則百殘除而中

和作矣。此三代之所昌，故書曰：能哲且惠，黎民懷之。何憂謹堯何遷有苗。秦族訓

魏文侯弟曰季成，友曰翟黃。文侯欲相之，而未能決。以問李克。克對曰：君若置相，則問樂商與王孫苟端孰賢。文侯曰：善。以王孫苟端為不肖，翟黃進之。樂商為賢，季成進之。故相季成。故知人則哲。進賢受上賞，季成以知賢。故文侯以為相。季成翟黃皆近臣親屬也。以所進者賢別之。故李克之言是也。新序雜事篇

漢武帝詔曰：朕聞咎繇對禹曰：在知人。知人則哲。惟帝難之。漢書武帝紀。詳見詩小雅正月篇。

漢書曰。易曰。參天兩地而倚數。天之數始於一。終於二十有五。其義紀之以三。故置一得三。又二十五分之六。凡二十五。置終天之數得八十一。以天地五位之合。終於十者乘之。為八百一十分。應歷一統千五百三十九歲之章數。黃鐘之實也。繇此之義。起十二律之周徑。地之數始於二。終於三十。其義紀之以兩。故置一得二。凡三十。置終地之數得六十。以地中數六乘之。為三百六十分。當期之日。林鐘之實。人者繼天順地。序氣成物。統八卦。調八風。理八政。正八節。諧八音。舞八佾。監八方。被八荒。以終天地之功。故八八

六十四。其義極天地之變。以天地五位之合。終於十者乘之。為六百四十分。以應六十四卦。太族之實也。書曰。天功人其代之。天無地。人則天。故以五位之合乘焉。唯天為大。唯堯則之之象也。律歷志漢書曰。書云。天秩有禮。天討有罪。故聖人因天秩而制五禮。因天討而作五刑。刑法志漢書曰。火南方。揚光輝。為明者也。其於王者。南面。鄉明而治。書云。知人則哲。能官人。故堯舜舉群賢而命之。朝。遠四佞而放諸壑。孔子曰。浸潤之譖。膚受之訴。不行焉。可謂明矣。賢佞分別。官人有序。帥由舊章。敬

重功勲殊別適庶如此則火得其性矣五行志

董仲舒曰詩曰夙夜匪解書云茂哉茂哉皆彊勉之

謂也漢書詳見詩大雅烝民篇

李尋曰書云天聰明蓋言紫宮極樞通位帝紀太微四門廣開大道五經六緯尊術顯士翼張舒布燭臨四海少微處士為比為輔故次帝廷女宮在後聖人承天賢賢易色取法於此天官上相上將皆顯面正朝憂責甚重要在得人得人之效成敗之機不可不勉也漢書李尋傳

漢哀帝策免孔光曰丞相者朕之股肱所與共承宗廟統理海內輔朕之不逮以治天下也朕既不明災異重仍日月無光山崩河決五星失行是章朕之不德而股肱之不良也君前為御史大夫輔翼先帝出入八年卒無忠言嘉謀今相朕出入三年憂國之風復無聞焉陰陽錯謬歲比不登天下空虛百姓饑饉父子分散流離道路以十萬數而百官群職曠廢姦軌放縱盜賊並起或攻宮寺殺長吏數以問君君無怵惕憂懼之意對母能為是以群卿大夫咸情哉莫以為意咎由君焉君秉社稷之重總百僚之任上無以匡朕之闕下不能綏安百姓書不云乎毋曠庶官

天工人其代之於虜君其土丞相博山侯印綬罷歸

漢書孔光傳

谷永上疏曰帝王之德莫大於知人知人則百僚任

職天工不曠故臯陶曰知人則哲能官人御史大夫

內承本朝之風化外佐丞相統理天下任重職大非

庸材所能堪今當選於群卿以充其缺得其人則萬

姓欣喜百僚說服不得其人則大職墮斲王功不興

虞帝之明在茲壹舉可不致詳漢書薛宣傳

谷永曰經曰云又曰九德咸事俊艾在官漢書詳見舜典

王嘉奏封事曰臣聞咎繇戒帝舜曰亡敖佚欲有國

兢兢業業一日二日萬機漢書王嘉傳

又曰臣聞爵祿土地天之有也書云天命有德五服

五章哉王者代天爵人尤宜慎之裂地而封不得其

宜則衆庶不服感動陰陽其害疾自深今聖體久不

平此臣嘉所內懼也同上

陳崇曰公乃白內故泗水相豐釐令邯與大司徒光

車騎將軍舜建定社稷奉節東迎皆以功德受封益

土為國名臣書曰知人則哲公之謂也漢書王莽傳公謂莽

王太后詔曰蓋聞天生衆民不能相治為之立君以

統理之君年幼稚必有寄託而居攝焉然後能奉天

施而成地化。群臣茂育。書不云乎。天工人其代之。同上
王莽曰。姚媯陳田王氏。凡五姓者。皆黃虞苗裔。予之
同族也。書不云乎。惇序九族。其令天下土。此五姓名
籍于秩宗。皆以為宗室。世世復無有所與。同上

益稷

楚子及諸侯圍宋。宋公孫固如晉告急。先軫曰。報施
救患。取威定霸。於是乎在矣。狐偃曰。楚始得曹而新
昏於衛。若伐曹衛。楚必救之。則齊宋免矣。於是乎蒐
于被廬。作三軍。謀元帥。趙衰曰。郤穀可。臣亟聞其言
矣。說禮樂而敦詩書。詩書。義之府也。禮樂。德之則也。

德義利之本也。夏書曰。賦納以言。明試以功。車服以

庸。君其試之。乃使郤穀將中軍。左氏傳僖公二十七年

孟懿子問書曰。欽四鄰。何謂也。孔子曰。王者前有疑
後有丞。左有輔。右有弼。謂之四近。言前後左右近臣
當畏敬之。不可以非其人也。周文王。胥附。奔輶。先後
禦侮。謂之四鄰。以免乎牖里之害。懿子曰。夫子亦有
四鄰矣。孔子曰。吾有四友焉。自吾得回也。門人如親。
是非胥附乎。自吾得賜也。遠方之士日至。是非奔輶
乎。自吾得師也。前有光。後有輝。是非先後乎。自吾得
仲由也。惡言不至於門。是非禦侮乎。孔叢子論書篇

魯哀公問書稱夔曰。於予擊石拊石。百獸率舞。庶尹允諧。何謂也。孔子對曰。此言善政之化乎物也。古之帝王功成作樂。其功善者。其樂和。樂和則天地猶且應之。况百獸乎。夔為帝舜樂正。實能以樂盡治理之情。公曰。然則政之大本。莫尚夔乎。孔子曰。夫樂所以歌其成功。非政之本也。衆官之長。既咸熙熙。然後樂乃和焉。同上

春秋繁露曰。凡百亂之源。皆出嫌疑纖微。以漸寢稍長。至於大。聖人章其疑者。別其微者。絕其纖者。不得嫌。以蚤防之。聖人之道。衆隄防之類也。謂之度制。謂

之禮節。故貴賤有等。衣服有別。朝廷有位。鄉黨有序。則民有所讓。而民不敢爭。所以一之也。書曰。輦服有庸。誰敢弗讓。敢不敬應。此之謂也。制度篇

司馬相如傳
司馬相如曰。軒轅之前。遐哉邈乎。其詳不可得聞也。五三六經載籍之傳。維見可觀也。書曰。元首明哉。股肱良哉。因斯以談。君莫盛於唐堯。臣莫賢於后稷。史記

堯治天下。伯成子高為諸侯焉。堯授舜。舜授禹。伯成子高辭為諸侯而耕。禹往見之。則耕在野。禹趨就下位而問焉。曰。昔者堯治天下。吾子立為諸侯焉。堯授

舜吾子猶存焉。及吾在位。子辭諸侯而耕。何故。伯成子高曰。昔堯之治天下。舉天下而傳之他人。至無欲也。擇賢而與之其位。至公也。以至無欲至公之行。示天下。故不賞而民勸。不罰而民畏。舜亦猶然。今君賞罰而民欲。且多私。是君之所懷者私也。百姓知之。貪爭之端。自此始矣。德自此衰。刑自此繁矣。吾不忍見以是處野也。今君又何求而見我。君行矣。無留吾事。耕而不顧。書曰。旁施象刑。維明。及禹不能。新序節士篇說苑曰。於戲允哉。君子辟神也。觀彼威儀。遊燕幽間。有似鳳也。書曰。鳥獸鷦鷯。鳳皇來儀。此之謂也。辨物篇

既生啓。辛壬癸甲。啓呱呱泣。禹去而治水。緬思天下有溺者。由己溺之也。故惟荒度土功。列女傳詳見詩大雅既醉篇漢宣帝元康元年春三月。詔曰。迺者鳳皇集泰山。陳留甘露降未央宮。朕未能章先帝休烈。協寧百姓。承天順地。調序四時。獲蒙嘉瑞。賜茲祉福。夙夜兢兢。靡有驕色。內省匪解。永惟罔極。書不云乎。鳳皇來儀。庶尹允諧。其赦天下徒。賜勤事吏中二千石。呂下。至六百石。爵。自中郎吏。至五大夫。佐史以上。二級。民一級。女子百戶。牛酒。加賜鰥寡孤獨。三老孝弟。力田。帛。所振貸勿收。漢書宣帝紀

元帝初元元年夏四月詔曰朕承先帝之聖緒獲奉宗廟戰戰兢兢間者地數動而未靜懼於天地之戒不知所繇方田作時朕憂蒸庶之失業臨遣光祿大夫褒等十二人循行天下存問耆老鰥寡孤獨困乏失職之民延登賢俊招顯側陋因覽風俗之化相守二千石誠能正躬勞力宣明教化以親萬姓則六合之內和親庶幾無憂矣書不云乎股肱良哉庶事康哉布告天下使明知朕意

漢書元帝紀

成帝建始三年冬十二月戊申朔日有蝕之夜地震未央宮殿中詔曰蓋聞天生衆民不能相治為之立

君以統理之君道得則草木昆蟲咸得其所人君不德謫見天地災異婁發以告不治朕涉道日寡舉錯不中乃戊申日蝕地震朕甚懼焉公卿其各思朕過失明白陳之女無面從退有後言丞相御史與將軍列侯中二千石及內郡國舉賢良方正能直言極諫之士詣公車朕將覽焉

漢書成帝紀

漢書曰書曰予欲聞六律五聲八音七始詠以出內五言女聽予者帝舜也言以律呂和五聲施之八音合之成樂七者天地四時人之始也順以歌詠五常之言聽之則順乎天地序乎四時應人倫本陰陽原

情性。風之以德。感之以樂。莫不同乎一。唯聖人為能同天下之意。故帝舜欲聞之也。律歷志

又曰。書云。擊石拊石。百獸率舞。鳥獸且猶感應。而況於人乎。况於鬼神乎。詳見詩周頌執競篇

又曰。所謂象刑惟明者。言象天道而作刑。安有菲屨赭衣者哉。刑法志

劉更生曰。衆賢和於朝。則萬物和於野。故蕭韶九成。而鳳皇來儀。擊石拊石。百獸率舞。四海之內。靡不和

寧。漢書詳見詩小雅十月之交篇

漢宣帝下詔稱揚曰。潁川太守霸。宣布詔令。百姓鄉

化。孝子弟弟。貞婦順孫。日以衆多。田者讓畔。道不拾遺。養視鰥寡。贍助貧窮。獄或八年亡重罪囚。吏民鄉于教化。興於行誼。可謂賢人君子矣。書不云乎。股肱良哉。其賜爵關內侯黃金百斤。秩中二千石。漢書黃霸傳

詩書古傳卷第二十七 終

甘誓

墨子曰。古者聖王。必以鬼神為其務。云夏書禹誓曰。大戰于甘。王乃命左右六人。下聽誓于中軍。曰。有扈氏威侮五行。怠棄三正。天用勦絕其命。有曰日中。今予與有扈氏爭一日之命。且爾卿大夫庶人。予非爾田野葆士之欲也。予共行天之罰也。左不共于左。右不共于右。若不共命。御非爾馬之政。若不共命。是以賞于祖而廖於社。賞於祖者何也。言分命之均也。僇於社者何也。言聽獄之事也。故古聖王必以鬼神為賞賢而罰暴。是故賞必於祖。而僇必於社。此吾所以

知夏書之鬼也。

詳見詩大雅文王篇。純按士當作玉。廖當作僇。

史記曰。有扈氏不服。啓伐之。大戰於甘。將戰。作甘誓。乃召六卿申之。夏本紀

王莽曰。秦為無道。厚賦稅以自供奉。罷民力以極欲。壞聖制。廢井田。是以兼并起。貪鄙生。强者規田以千數。弱者曾無立錐之居。又置奴婢之市。與牛馬同蘭。制於民臣。顛斷其命。姦虐之人。因緣為利。至略賣人妻子。逆天心。誨人倫。繆於天地之性。人為貴之義。書曰。予則奴戮女。唯不用命者。然後被此辜矣。漢書王莽傳

五子之歌

晉侯使卻至獻楚捷于周。與單襄公語。驟稱其伐。單子語諸大夫曰。溫季其亡乎。位於七人之下。而求掩其上。怨之所聚。亂之本也。多怨而階亂。何以在位。夏書曰。怨豈在明。不見是圖。將慎其細也。今而明之。其可乎。左氏傳成公十六年

孔子曰。楚昭王知大道矣。其不失國也宜哉。夏書曰。惟彼陶唐。帥彼天常。有此冀方。今失其行。亂其紀綱。乃滅而亡。左氏傳詳見大禹謨

襄公曰。人有言曰。兵在其頸。其卻至之謂乎。云書曰。民可近也。而不可上也。國語詳見詩大雅旱麓篇

景王二十一年。將鑄大錢。單穆公曰。不可。云夏書有

之曰。關石繇均。王府則有。國語詳見詩大雅旱麓篇

還自衛。三卿宴于藍臺。知襄子戲韓康子而侮段規。

知伯國聞之。諫曰。主不備。難必至矣。曰。難將由我。我

不為難。誰敢興之。對曰。異於是。夫卻氏有車轅之難。

趙有孟姬之讒。欒有叔祁之愬。范中行有函冶之難。

皆主之所知也。夏書有之曰。一人三失。怨豈在明。不

見是圖。周書有之曰。怨不在大。亦不在小。夫君子能

勤小物。故無大患。今主一宴而耻人之君相。又弗備。

曰。不敢興難。無乃不可乎。夫誰不可喜。而誰不可懼。

言書下傳 卷第二十八
蚋蠅蠶蠹皆能害人。况君相乎。弗聽。國語晉語九

胤征

師曠侍於晉侯。晉侯曰：衛人出其君，不亦甚乎？對曰：或者其君實甚。良君將賞善而刑淫，養民如子，蓋之如天，容之如地，民奉其君，愛之如父母，仰之如日月，敬之如神明，畏之如雷霆，其可出乎？夫君，神之主也，民之望也。若困民之主，匱神乏祀，百姓絕望，社稷無主，將安用之？弗去何為？天生民而立之君，使司牧之，勿使失性。有君而為之貳，使師保之，勿使過度。是故天子有公，諸侯有卿，卿置側室，大夫有貳宗，士有朋

友。庶人工商皂隸牧圉，皆有親暱，以相輔佐也。善則賞之，過則匡之，患則救之，失則革之。自王以下，各有父兄子弟，以補察其政。史為書，瞽為詩，工誦箴諫，大夫規誨，士傳言，庶人謗，商旅于市，百工獻藝。故夏書曰：道人以木鐸徇于路，官師相規，工執藝事以諫。正月孟春，於是乎有之，諫失常也。天之愛民甚矣，豈其使一人肆於民上，以從其淫而棄天地之性，必不然矣。左氏傳襄公十四年
祁奚曰：詩曰：惠我無疆，子孫保之。書曰：聖有謩勳，明徵定保。夫謀而鮮過，惠訓不倦者，叔向有焉。左氏傳詳見詩

周頌烈文篇。

夏六月甲戌朔日有食之。祝史請所用幣。昭子曰。日有食之。天子不舉。伐鼓於社。諸侯用幣於社。伐鼓於朝。禮也。平子禦之。曰。止也。唯正月朔。慝未作。日有食之。於是乎有伐鼓用幣禮也。其餘則否。太史曰。在此月也。日過分而未至。三辰有災。於是乎百官降物。君不舉。辟移時。樂奏鼓。祝用幣。史用辭。故夏書曰。辰不集于房。瞽奏鼓。嗇夫馳。庶人走。此月朔之謂也。當夏四月。是謂孟夏。平子弗從。昭子退曰。夫子將有異志。不君君矣。左氏傳昭公十七年

荀子曰。至道大形。隆禮至法。則國有常。尚賢使能。則民知方。纂論公察。則民不疑。賞克罰偷。則民不怠。兼聽齊明。則天下歸之。然後明分職。序事業。材技官能。莫不治理。則公道達而私門塞矣。公義明而私事息矣。如是則德厚者進而佞說者止。貪利者退而廉節者起。書曰。先時者。死無赦。不逮時者。殺無赦。君道篇周制曰。先時者。死無赦。不及時者。死無赦。韓詩外傳。詳見詩大雅抑篇。

詩書古傳卷第二十八終

